

Broj: 02-04-3513/21
Sarajevo, 27.07.2021. godine

DOM NARODA
PARLAMENTA FEDERACIJE BIH
n/p Sekretara ✓

DOM NARODA
PARLAMENTA FEDERACIJE BIH
N/p gosp. Jasmin Duvnjak, izaslanik

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 03-08-2021			
Org. jed.	Broj	Priloga	Vrijednost
05/2	- 02 -	223	21

PREDMET: Odgovor na izaslaničko pitanje – dostavlja se

Veza: Akt Sekretara Doma naroda Parlamenta Federacije BiH broj: 05/2-02-223/21 od 01.06.2021.godine

Poštovana/i,

Federalno ministarstvo zdravstva zaprimilo je akt Sekretara Doma naroda Parlamenta Federacije BiH broj: 05/2-02-223/21 od 01.06.2021.godine, sa izaslaničkim pitanjima na koje se traži odgovor. Naime, gospodin Jasmin Duvnjak, uvaženi izaslanik u Domu Naroda Parlamenta Federacije Bosne i Hercegovine, na 11.sjednici Doma naroda Parlamenta Federacije Bosne i Hercegovine održanoj 27.05.2021. godine, postavio je pitanja iz oblasti zdravstva. S tim u svezi, u privitku akta dostavljamo Vam odgovor Federalnog ministarstva zdravstva.

S poštovanjem,

PRIVITAK:
- Kao u tekstu



ODGOVOR
NA IZASLANIČKO PITANJE JASMINA DUVNJAKA
IZASLANIKA U DOMU NARODA
PARLAMENTA FEDERACIJE BOSNE I HERCEGOVINE

Sarajevo, lipanj 2021. godine

Jasmin Duvnjak, izaslanik u Domu naroda Parlamenta Federacije Bosne i Hercegovine, na 11.sjednici Doma naroda Parlamenta Federacije Bosne i Hercegovine održanoj 27.05.2021.godine, postavio je izaslanička pitanja iz oblasti zdravstva:

„Neka živi naša domovina Bosna i Hercegovina! Poštovani predsjedavajući, poštovane kolege delegati, članovi Vlade, predstavnici medija i ostali sve vas srdačno pozdravljam. Ja imam nekoliko pitanja. Prvo pitanje ide Federalnoj Vladi, Ministarstvu zdravstva FBiH. Još ranije smo donijeli Zaključak na Skupštini ZE-DO kantona gdje općim mišljenjem smatramo da je Kantonalna bolnica Zenica u diskriminatorskom položaju u odnosu na kliničke centre u FBiH kad je u pitanju dodjela međunarodnih donacija zdravstvenim ustanovama kao i po pitanju samog statusa Kantonalne bolnice Zenica koja već duže vremena teži za dobijanjem statusa univerzitetske bolnice. Tražim da dobijem jasan odgovor: Dokle se došlo sa inicijativom koju smo uputili prema Ministarstvu zdravstva FBiH za izmjenu Pravilnika o uvjetima koje moraju ispunjavati bolnice za dodjelu naziva univerzitetska bolnica u smislu da se precizno definišu termini klinika, univerzitetsko-klinička bolnica, univerzitetsko-bolnički centar, univerzitetska bolnica. Takođe tražili smo izmjenu člana 2. Pravilnika iz tačke 2. Zaključka u smislu da se omogući razvoj drugih zdravstvenih ustanova kantonalnih i općih bolnica te izuzimanja imena zdravstvene ustanove kao jednog od kriterija za dobijanje statusa univerzitetske bolnice. Dalje, tražili smo da se Pravilnik, da se iz tačke Pravilnika Zaključka uskladi s članovima 101. te članova 102. i 105. Zakona o zdravstvenoj zaštiti („Službene novine Federacije BiH“, broj 46/10) koji ne isključuju opće i kantonalne bolnice da mogu dobiti status univerzitetske bolnice ukoliko ispunjavaju druge propisane uslove čime bi se omogućio razvoj kantonalnih bolnica naravno uz pretpostavku da ispunjavaju druge propisane uslove. Znači, zanima me dokle se došlo sa realizacijom ovih Zaključaka, imam informacije da se u nekim segmentima značajno odmaklo i evo ja se mogu zahvaliti Federalnom ministarstvu zdravstva što su na ovu inicijativu Skupštine ZE-DO kantona i nas nekoliko zastupnika delegata, je li, iz ovog i ranijeg saziva Skupštine što su se ipak stvari pomjerile s mrtve tačke ali smatram da ovu problematiku rješenja ove problematike treba dodatno intenzivirati da bi evo između ostalog i Kantonalna bolnica Zenica a i druge koje imaju te uslove mogle da dobiju ovaj drugi status koji im je bitan, je li, jer te bolnice bi mogle biti nastavna baza za medicinske fakultete gdje postoje naravno.

Takođe tražim da kad su u pitanju spominjao sam međunarodne donacije zdravstvenim ustanovama tražim od Federalnog ministarstva zdravstva da odgovarajućim aktom propiše jedinstvene kriterije za dodjelu sredstava uz obavezu raspisivanja javnog poziva, mislim na one donacije koje idu preko Federacije. Bila je jedna donacija Vlade Japana od prije tri godine 85 miliona KM zamislite nijedna marka recimo nije došla u Zenicu pretpostavljam ni u Travnik, ne znam Livno, Bihać, Goražde, Orašje ili gdje već, pretpostavljam da nije, ne bih sad, uglavnom mislim da treba postojati jasan Pravilnik.“